


經律異相

卷廿二

四百四十二
舍二

51108



Vertical seal impression with Chinese characters, likely a library or collection stamp.

經律異相卷第二十二

梁沙門 寶唱等 譯



舍

聲聞無學沙弥僧部第十一

雙德雙福二沙弥遇佛成道一

須陀耶在冢生長遇佛得道二

均提沙弥出家并前身因緣三

沙弥救蟻延壽精進得道四

沙弥推師倒地而亡以無惡心

得道五

沙弥早天生天失善師友憤念詣佛

得分別聖諦六

純頭沙弥為鬼所敬用須跋外道自



然降伏七

沙弥隨聖師入山得四通知為五母
所痛念八

沙弥護戒捨所愛身九

沙弥於龍女生愛遂生龍中十

沙弥愛酪即受垂身十一

雙德雙福二沙弥遇佛成道一

舍衛國有山民村五六十家去國五百里村
中有一貧家婦懷妊十月雙生二男大端正
無比父母愛之為子作字一名雙德二名雙
福生五六十日其父牧牛息卧牀上其母拾
薪未反此二兒共相責語一言前時垂當得

道正坐愚意謂命可常退墮生死不可計劫
今生此貧家藁草之物以爲氈褐食飲麁惡
裁自支命如此至久云何可活皆坐前世戀
慕富貴放身散意快樂須臾從尔已來長塗
受苦如今憂惱當何恃怙一人荅言時有小
難一時之勤不竟精進而今數世遭諸惡事

此是自爲非父母作也但共當之復何所言
父聞恠之謂呼是鬼寧小未大宜當殺之父
驚到田中收取樵薪欲燒殺之母還問夫用
此薪何爲夫說如是母聞恟然明日夫婦俱
出潛聽二子相責如故便共集薪密欲燒之
佛天眼見往到村中普放光明天地大動山

川樹木皆作金色到雙生小兒家二兒見佛
光明喜踊難量父母又驚各抱一子將至佛
所問佛世尊此兒生來四五十日所說如是
甚共怪之恐作禍害欲火燒之不知為是何
等鬼魅也唯願解說小兒見佛踊躍歡喜佛
見小兒大笑口出五色光普照天地佛告此
二小兒非是鬼魅福德之子前迦葉佛時作
沙門少小共為朋友同志出家各自精進臨
當得道忽起邪想共相沮敗樂世榮華恃福
生天下為侯王國主長者忽起是想便自退
轉不得泥洹更此生死弥連歲數常相鈎牽
輒共雙生遭我世時今始乃生已曾供養佛

故餘福應度生識宿命今來度之我六月者
橫爲火所燒即說偈言

大人體無欲 在所照然明 雖或遭苦樂

不高現其智 大賢無世事 不願子財國

當守戒慧道 不貪邪富貴 智人知動搖

譬如沙中樹 朋友志不強 隨色染其素

佛說是小兒見佛身踊如八歲兒大即作沙

彌得羅漢道村人大小見佛光明又見小兒

形變踊大皆大歡喜得須陀洹道父母疑解

亦得法眼 出法句經 第一卷

須陀耶在冢生長遇佛得道二

有國王名曰栴陀越奉事婆羅門道領治國

正亦任用之王重小夫人諸夫人憎嫉以金
賜婆羅門譖之於王言其生子必爲國患王
聞不樂問婆羅門言當如之何荅曰唯并殺
之耳王言人命之重云何可殺報言若不殺
者必亡國喪身王便枉殺兒後於冢中生其
母半身不朽兒飲其漣漣即乳也乃至三年
其冢崩陷其兒得出與鳥獸共戲暮即還冢
中及年六歲佛念其勤苦與鳥獸同羣即化
爲沙門往呼問之言汝是誰家子居在何處
兒歡喜報言我無家居但栖宿此冢中耳乞
隨道人去佛言欲何爲乎兒報言我今善惡
終當隨道人佛便將其到祇洹中見諸比丘

威儀法則意甚樂之便白佛言我欲乞作比丘佛即聽之以手摩其頭頭髮自墮袈裟著身名爲須陀守戒精進心不懈怠經涉七日得羅漢道佛語須陀宜度栴陀越王須陀往到其國王曰我心大憂當如之何道人言何所憂也王言我年已長過時無嗣爲之愁憂道人聞王語初不應之獨笑而已王便恚言我與道人語初不答我而反獨笑即欲殺之須陀知其意便輕舉飛翔上任空中分身散體出入無間王見神化即悔過言我實愚癡不別真僞唯願大神一還令我得自歸命須陀即從空中下任王前謂王言若能自歸甚

善當自歸於佛佛是我師三界之尊度脫衆
生須陀便如伸臂頃將王及人民俱到佛所
歸命三尊乞受五戒爲優婆塞佛具說須陀
是王子王聞佛言更恐怖不能自勝佛言昔
拘先尼佛世有國王号名弗舍達國中人民
皆供養三尊時有凡人居貧無業常爲國中
富貴賃牧養數百頭牛見王及人民供養比
丘僧便即問言卿等何所爲乎人民荅言吾等
供養三尊後當在處安樂尊貴無有勤苦即
自念言我貧唯當煎牛漚爲酪酥淨心上比
丘耳比丘僧呪願言令汝世世得福自後展轉
更歷生死輒受其福或上爲諸天或下爲王

侯王時出遊獵見好犗牛懷犢殺之夫人語
王莫殺其子時牛主破取子養其主恚言當
令王如此牛也自後竄神為王作子時未出
生母為王所殺須陀是也須陀母者是時王
夫人也婆羅門者牛主是也須陀冢中生其母
半身不朽得飲其漣以自長大者由其宿命
以酪酥上比丘僧故王聞意解得須陀洹出

陀越國
王經中

均提沙弥出家并前身因緣三

佛在舍衛國尔時尊者舍利弗晝夜三時天
眼觀視誰應度者輒往度之時有賈客欲詣

他國

報恩經云摩提二國
中間有五百賈客

其諸商人共將一

狗

報恩經
云白狗

至於中路衆賈頓息狗便盜肉於

時衆人便共打狗而折其脚棄置空野捨之
而去時舍利弗天眼見狗癡躄在地飢困垂
死飛至狗所以食施與狗濟餘命心甚歡喜
時舍利弗即爲此狗說微妙法狗便命終生
舍衛國婆羅門家時舍利弗獨行乞食婆羅
門見而問之言尊者獨行無沙弥耶舍利弗
言我無沙弥聞卿有子當用見與婆羅門曰
我有一子字曰均提年旣孩幼不任使令比
前長大當用相與時舍利弗即戢在心至年
七歲復來求之時婆羅門令見出家舍利弗
將至祇洹漸爲說法心意開解得阿羅漢

經云佛言善來驢均提沙弥既始得道自以
長自落袈裟著身

智力觀過去世見前身作一餓狗蒙和上恩
今得人身并獲道果欣心內發而自念言我
蒙師恩得脫諸苦今當盡身供給所須永作
沙弥乃往過去迦葉佛時有諸比丘集在一
處時年少比丘音聲清雅善能讚唄有一比
丘年高耆老音聲濁鈍不能經唄每自其聲
而自娛樂老比丘者已得羅漢于時年少比
丘而呵之言今汝長老聲如狗吠時老比丘
便呼年少汝識我不年少荅曰我大識汝汝
是迦葉佛時比丘上座荅言我今已得阿羅
漢年少惶怖自責懺悔猶五百世中常受狗

身由其出家持淨戒故今得見我蒙得解脫

出賢愚經
第十三卷

沙彌救蟻延壽精進得道四

昔有小國去城不遠有好林藪有五道士於
中學道有一比丘得六神通有一沙彌年始
八歲共在山中各一面坐思惟經道師知沙
彌命餘七日在此亡者父母謂吾看視不快
使其命終必懷怨恨即語沙彌汝父母思汝
汝可歸家八日早來沙彌歡喜誓首而去道
逢大雨流潦滂沛地有蟻孔流水欲入沙彌
念曰我佛弟子一者慈心二者活生即便土
壅決水令去沙彌歸家無有他變八日晨還

師遙見之怪其所以七日應亡今何因緣將
無鬼神化現來乎即入三昧見其救蟻現世
延壽沙弥至誓首作禮於一面坐師謂言汝
作大功德爲自知不沙弥言七日在家無他
功德師言汝命應盡昨日以救蟻故現世增
壽八十餘年沙弥歡喜信善有報即更勤修精

進不懈得阿羅漢

出福報經又出十卷
譬喻經第七卷中

沙弥推師倒地而亡以無惡心精進得道五
舍衛國有一老公早失其婦獨與兒居困無
財寶覺世非常從佛出家兒年尚小亦爲沙
弥共父乞食逼暮當還父行遲兒畏毒獸急
扶其父排之進路執之不固推父墮地應手

而死獨至佛所時諸比丘呵責沙彌即以白
佛佛告之曰此師雖死不以惡意即問沙彌
汝殺師不荅言我實排之不以惡意佛言我
知汝心無有惡意過去世時亦復如是無有
惡意而相殺害昔父子二人共住一處時父
病極於時睡卧多有糸蠅數來惱觸父令見
遮蠅望得安眠時兒急遮蠅來不止兒便瞋
恚即持大杖伺蠅當殺十誦律云持大石壓蚊子時諸糸
蠅競集父額以杖打之其父即死父者此沙
彌是時兒者死比丘是由無惡心不以惡意
亦非故殺沙彌勤修不懈遂得羅漢道出賢愚經第十卷
沙彌早天生天失善師友憤念詣佛得分別

聖諦六

佛遊舍衛祇樹給孤獨園時異比丘有弟子
志性溫雅意行仁賢常侍和上誠謹精進敬
從法教不違師命壽命短促幼小而生初
利宮觀於天上但覩大火本所志願不得如
意與善師友不能相守今捨善師隨逐惡友於
是違遠至尊和上及阿夷梨衆諸等類修梵
行者四輩弟子有一切智号曰如來今悉違
遠無央數劫難值難見興于世間講說經典
微妙深奧未曾發言而安隱開化說諸緣起
各各解了所從有因無央數劫所未見聞悉
爲解波值此經律棄家爲道所當興立不得

究竟今反放逸先誥世尊誓首足下佛見其
心真正樂道純淑在法說苦集滅道即便見
諦和上愁念泣涕如雨佛呼問之何為憂惱
荅曰弟子終沒佛言何故愁憂荅曰我沙弥
弟子甚大賢良未有究竟而中天沒是故憂
悒不能自寬佛言勿愁已至究竟得生天上

今日夜半分別聖諦比丘不復涕泣

出弟子
過命經

純頭沙弥為鬼所敬用須跋外道自然降伏七
舍利弗有一沙弥名曰純頭長年八歲得六
神通飛騰虛空至阿耨泉有五通梵志名曰
須跋亦至彼泉時彼泉上有守泉青衣鬼驅
逐五通梵志瓦石打擲不使逼近神泉純頭

沙弥乘虚空至彼青衣鬼數百之衆皆前迎
逆或前收攝衣者或持淨水洗手足者或以
淨巾拂拭首面者或以香湯沐浴身體者須
跋梵志放聲說曰我今已得五通神德無量
力能移山駐流迴轉天地猶掌迴珠自學道
以來百二十餘年勞形苦體形神疲極或事
五明四處然火日光上照或卧灰糞或卧荆
棘嶮難之中無道不學然更驅逐不得至泉
然此黑衣小兒年在七八未離乳哺身體穢
臭待敬過重用何等故時青衣鬼語梵志曰
今此學士形年雖小行過三界得賢聖八品
道汝今無是故不興敬有一婆羅門名曰闍

又興立一寺亦名閱又恒供給酥油供寺然
燈時有遠方婆羅門來至彼寺中又聞閱又
梵志高才明德偏信佛法建立神廟與共相
見時有一沙彌來迎取油酥供寺然燈衆多
梵志語閱又婆羅門曰汝審向色衣人禮耶
言語未訖沙彌已至即復禮之衆多梵志語

此梵志曰汝出四姓才藝過人天文地理無
不貫練神呪威靈無事不克今此色衣之人
出衆多姓種非真正何爲違本法而向恭禮
又卿梵志執行清淨自修內藏曷識秘記行
道成福何願不克文字章印無不周悉佛行
寡尠有何可貴捨本取末是我所疾蓋聞沙

門寒賤巧詐繁滋幻惑世人所行短促齊榮
一身不能延致梵福正使相見止可擎拳而
已何爲五體投地恭敬作禮耶我等親見甚
怪所以況先學大人豈能恕卿此罪耶閱又
報衆多婆羅門曰諸人靜默聽我所說

賢聖德難量

八直無上道

是爲梵沙門

如來口所宣

覩此形雖小

以果賢聖道

是故今自歸

梵志何爲嗟

向得能究竟須陀洹斯陀舍能斷欲界縛諸
纏陰入是故說曰向得能盡魔源者入定坐
禪之人樂趣閑靜志崇一意計出入息執意
牢固能斷魔縛反縛於魔入定之人能役鬼

神如意即至當求方便斷魔牢縛

出出曜經
第五卷

沙弥隨聖師入山得四通知為五母所痛念八
昔有一小兒年始七歲大好佛道作於沙弥
隨羅漢師在山中學精進不懈及年八歲便
得四通一者眼徹視二者耳徹聽三者飛行
變化四者自知宿命所從來坐自思念即見
先世宿命所更五母作子即還自笑師問何
笑沙弥言何敢笑師自視一身而有五母晝
夜啼哭感傷愁毒常言念子未曾忽忘我自
念一身愁毒五家用是故笑耳我為第一母
作子時比隣有與我同時生者我死後同日
生者出入行步我母見之便言我子在者亦

當出入行步如是即愁憂感痛念我我復爲
第二母作子生不久復死我母見人有乳養
子者便感痛念我愁憂啼哭我復爲第三母
作子不久復死我母臨飯淚出念我言若子
在者與我共飯棄我死去我復爲第四母作
子不久復死我時等輩娉娶者母復念我言
若子不死今亦當娶婦我爲第五母作子人
故見在我捨家學道母日啼哭言亡我子不
知所在飢寒生死不復相見並慷慨悲痛今
五母共會各言亡子相對啼哭念我一人是
故笑耳世間人不知有後世生但言死耳人
作善得福作惡得殃人在世間喜怒自怨無

所畏惡後受苦痛入惡道中悔無所及我厭
世間故辭親求道我視地獄畜生餓鬼貧窮
代其恐怖我得師恩受佛經戒今以度脫我
念五母不能得脫反復憂我

出五母
人子經

沙彌護戒捨所愛身九

有一比丘少欲知足時安陀國有優婆塞敬
信三寶終身供養日日遣送其國有一長者
生一男兒欲令出家當求善師即往白比丘
言我此一子令使出家唯願大德哀納濟度
亦時比丘以道眼觀此人出家能持淨戒度
爲沙彌時優婆塞有一親善居士明日客會
晨朝念言今當就會誰後守舍女即白父唯

願父母從諸僮使但行應請我堪後守父曰甚
善合家悉往女便閉門獨住家內時優婆塞
是日忽忽忘不送食介時尊者心自念言日
時向晚俗人多事即遣沙弥往取善攝威儀
如佛所說沙弥打門女問是誰荅言沙弥爲
師取食即與開門是女端正容貌姝妙年始
十六姪欲火燒於沙弥前作諸妖媚深現欲
相沙弥見已念言此女爲有風癩病耶將無
欲結所使欲毀我淨行耶堅攝威儀顏色不
變女便五體投地白沙弥言我常願者欲有
所陳我此舍中珍寶倉庫如毗沙門天宮寶
藏而無有主汝可屈意爲此舍主我爲汝婢

供給使令滿我所願沙彌心念我寧捨命不
毀禁戒昔日比丘至姪女家寧投火坑不犯
於欲又諸比丘賊所劫奪以草繫縛風吹日
曝諸虫啖食以護戒故不絕草而去如鵝吞
珠比丘雖見以持戒故極苦不說如海船壞
下座比丘以守戒故授板上座沒海而死如
是諸人獨佛弟子能持禁戒我非弟子不能
持也如來世尊獨爲彼師非我師也方便語
言牢閉門戶我入一房作所應作尔乃一相就
女即閉門沙彌入房閉揮門戶得一剃刀脫
身衣服置於架上合掌跪向拘尸那城佛涅
槃處自立誓願我今不捨佛法衆僧亦不捨

戒正爲持戒捨此身命願所往生寂靜家淨
行盡漏成道即刎頸死時女怪遲趣戶看視
見其已死失於本容欲心尋息慚結懊惱悲
呼悶絕其父會還見女如是問何以故具荅
以實父即入房見沙彌身血皆汚赤如栴檀
作禮讚言護持佛戒能捨身命時彼國法若
有沙門白衣舍死當罰金錢時優婆塞以一
千金錢置銅案上載至王宮白言大王我有
罰謫應入於王願當受之王言汝於我國敬
信三寶言行無違唯汝一人當有何過而輸
罰耶時優婆塞具陳上緣自毀其女讚歎沙
彌王聞悚然而告之言沙彌護戒自捨身命

汝無辜咎但持還舍吾今躬欲自至汝家供
養沙弥王往見之前爲作禮以種種寶莊嚴
高車載死沙弥至平坦地積衆香木闍毗供
養嚴飾是女極世之殊置高顯處普使時會
一切皆見語衆人言是女殊妙容暉乃尔未
離欲者誰無染心而此沙弥旣未得道以生
死身奉戒捨命甚竒希有王即遣人今請其
師廣爲大衆說微妙法時會一切見聞此事
有求出家有發無上菩提心者

出賢愚經
第七卷

沙弥於龍女生愛遂生龍中十

昔有羅漢與沙弥於山中行道沙弥日日至
王人家乞飯食經歷堤基上行崎嶇危嶮常

躡履地飯汚泥土沙彌取不汚飯著師鉢中
汚飯洗自食之如是非一日師曰何因洗
棄飯味荅曰行乞去晴乞還時雨於堤基躡
地覆飯師默然思之知是龍燒沙彌便起到
堤基上持杖叩藪之龍化作老公來出頭面著
地沙門言汝何燒我沙彌乎荅曰實愛其容
貌自從今日始日日於我室食沙門受請日
日往食沙彌後時見師鉢中有兩三粒飯非
世間飯問和上師默不應沙彌便入牀下手
捉牀足和上禪定竟相隨俱飛到龍宮殿上
龍及婦女俱禮沙門復禮沙彌師乃覺之呼
出語言此非采女是畜生耳汝爲沙彌雖未

得道必生忉利天上勝彼百倍勿以汚意沙
彌言此龍居處世間少有師曰彼有三苦一
者雖百味飯入口即化成蝦蟆二者采女端
正無比欲為夫婦兩蛇相交三者龍背布逆
鱗沙石生其中痛乃達心曾此為大苦汝何
因從之汝未得道不可令見鬼道及國王內事

也沙彌不應晝夜思想憶彼不食得病而死

魂神生為龍作子

大智論云布施持戒願早
作龍要期心重足下水出

後至師本所入處大龍即殺舊龍舉地盡赤出

入水死即變為大龍即殺舊龍舉地盡赤出
迦葉詰陀難經又出
大智論第十七卷

沙彌愛酪即受垂身十一

如一沙彌心常愛酪諸檀越餉僧酪時沙彌

每得殘分心中貪著樂喜不離命終之後生
 殘酪瓶中沙弥師阿羅漢僧分酪語言徐徐勿
 傷此愛酪沙弥諸人言何以言愛酪沙弥荅
 言此本是我沙弥但坐貪愛殘酪故生此瓶
 中師得酪分垂在中來師言愛酪人汝何以
 來即以酪與之

出大智論第十七卷

經律異相卷第二十二

舍

天於小反憤房粉反牧牛上音目退退字藁草
 上而羊反正怒氣也也上之然反裁音才今恃怙
 作穰稻稈也氈下胡割反用纜今恃怙
 二字音樵薪上柴也惘然上音罔潛在也反
 市戶音鬼魅下眉反欸然上許勿反沮敗上才呂譖側
 鬼魅二反欸然忽起自反沮敗反毀也譖禁

反也 漣 音 漣 也 懈 忘 上 古 賣 反 飛 翔 下 音 貨 牧

謂 上 力 負 人 放 下 音 也 犢 音 讀 估 客 音 古 癡 躄 正

憤 字 青 林 藪 無 下 音 日 澤 流 潦 大 下 郎 到 反 滂 沛 上 音

普 蓋 反 涌 大 水 自 下 壅 紆 塞 也 糸 蠅 細 也 絲 字 卑 觸 上 音

額 反 吾 容 無 鞅 下 正 不 盡 之 數 反 荆 棘 下 上 音 居 力

反 乳 哺 下 音 然 鐙 下 正 燭 燭 識 下 徵 驗 之 書 擎 拳 下 音

下 音 權 京 反 崖 欺 尺 之 反 娉 娶 併 上 反 慷 慨 反 上 下 音 苦 朗

愛 反 竭 誠 也 忽 一 七 速 也 妖 媚 二 下 眉 風 癩 下 音 顛

或 作 忼 氣 也 唼 食 上 音 開 擇 正 下 音 簞 枷 上 作 正 顛

架 也 日 曝 木 下 蒲 反 唼 食 上 音 罰 謫 罪 二 字 音 伐 摘 棟 然

反 息 勇 辜 咎 上 音 罪 過 也 下 音 平 坦 罕 下 反 他 堤 基

食	詩	作	也	倒	吐	塘	啼
贈	尚	謾	下	也	亦	岸	三
也	反	音	反	反	反	也	音
		誘	叟	誇	歌	丘	丘
		也	正	亦	烏	丘	丘
		蝦	作	故	俱	字	正
		蟆	汗	反	反	正	作
		麻	上	媯	奴	作	崎
		正	音	一	弄	鳥	一
		作	道	也	反	艱	上
		墓	下	也	叩	險	去
		音	音	藪	藪	難	奇
		詰	起	苦	上	行	反
		責	一	候	音	也	下
		問	反	反	口	又	躄
		也	反	擊	又	躄	躄
		餉					



